



Kada muezin izgovori: 'Allahu ekber, Allahu ekber' (Allah je najveći, Allah je najveći), pa neko od vas kaže: 'Allahu ekber, Allahu ekber'

Prenosi se od Omera ibnul Hattaba, radijallahu anhu, da je Allahov Poslanik, sallallahu 'alejhi ve sellem, rekao: "Kada muezin izgovori: 'Allahu ekber, Allahu ekber' (Allah je najveći, Allah je najveći), pa neko od vas kaže: 'Allahu ekber, Allahu ekber', pa mujezin izgovori: 'Ešhedu en la ilahe illallah' (Svjedočim da nema istinskog boga mimo Allaha), pa neko od vas kaže: 'Ešhedu en la ilahe illallah', pa mujezin: 'Ešhedu enne Muhammeden resulullah' (Svjedočim da je Muhammed Allahov poslanik), pa neko od vas: 'Ešhedu enne Muhammeden resulullah', pa mujezin: 'Hajje 'alessalah' (Dođite na namaz), pa neko od vas: 'La hawle we la kuwwete illa billah' (Nema snage niti moći mimo Allaha), pa mujezin: 'Hajje 'alel-felah' (Dođite na spas), pa neko od vas: 'La hawle we la kuwwete illa billah', pa mujezin: 'Allahu ekber, Allahu ekber', pa neko od vas: 'Allahu ekber, Allahu ekber', pa mujezin: 'La ilahe illallah', pa neko od vas izgovori iz dubine svoga srca: 'La ilahe illallah', ući će u Džennet."

[Vjerodostojan] [Hadis bilježi imam Muslim]

Ezan predstavlja poziv ljudima da je namaz nastupio, a ono što se izgovara prilikom ezana sadrži značenja ispravnog vjerovanja. U ovom nam hadisu Allahov Poslanik, sallallahu 'alejhi ve sellem, pojašnjava šta je propisano uraditi kada se čuje ezan. Čovjek treba da govori ono što govori i mujezin izuzev riječi mujezina: "Hajje 'alessalah", "hajje 'alel felah", tada će kazati: "La hawle we la kuwwete illa billah." Osim toga, Poslanik nam skreće pažnje da će onaj ko bude ponavljao za mujezinom, iskreno iz svoga srca, ući u Džennet. Značenja riječi ezana: "Allahu ekber" - Allah je najveći, najveličanstveniji i najuzvišeniji od bilo čega. "Ešhedu en la ilahe illallah" - Svjedočim da nema istinskog boga mimo Allaha. "Ešhedu enne Muhammeden resulullah" - Potvrđujem jezikom i srcem da je Muhammed Allahov poslanik. Allah je, dakle, Taj Koji ga je poslao i obaveza nam je da mu budemo pokorni. "Hajje 'alessalah" - Dođite na namaz, a govor onoga ko prati mujezina: "La hawle we la kuwwete illa billah" - Niko nema nikakvog načina da nešto izbjegne, niti snage da kakvo dobro učini ili bilo šta bez Allahove pomoći. "Hajje 'alel-felah" - Dođite na spas kako biste ušli u Džennet i kako biste se spasili Džehennema.

النجاة الخيرية
ALNAJAT CHARITY

